

փանց մօտ՝ Բղովնայ թուրքաբնակ գիւղի մէջ : Եւ այս է բարեպաշտ Բագուեցւոց միակ և մօտիկ ուխտատեղին . ուր և է նոցա մի քանիսի ամարանոցը :

Մատուռն է փոքրագիր և վայելուչ , ուր երբեմն նշանակած ուխտի օրը Վարդավառին , Աստուածածնին և սուրբ Խաչին Բագուից քահանայ է գնում և պատարագելով մխիթարում ուխտաւորաց և պատահած օրէնքները կատարում :

Մատրանս բեմի ճակատին գրուած է :

«Ես Ներսէս քահանայ շինեցի զՋրհորս . ԹՎ . ՊԶ . (870 Հ . Թիւ 1421 Փրկչական)» :

Գուցէ մատրան առաջի ջրհորն լինի , կամ սեղանի առաջի հորը , որ տեղից օրհնութեան հող են առնում ուխտաւորք : Իսկ զբան ճակատին գրուած է .

«Կառուցաւ սուրբ Տունս շնորհօք Տեառն Աստուծոյ , ի յիշատակ սրբոյն Եղիայի և Անդրէի արդեամբք և ծախուք աստիճանաւոր Լեւոնի Գասպարեան Եաղութեանց ի 130 սեպտ . 1862 ամի .

Եւ ի ճակատ նորին սենեկաց .

«Ես Սահակ Աղամեանց շինեցի զերեք սենեակս 1830»)» :

Այս մատրան մօտ նոյն Բղովնայում կայ և մի ուրիշ նոր շինած մատուռն յանուն սրբոյն Մինասայ , որ ունի արձանա՝ գիր այսպէս :

«Սուրբ Մինաս յիշատակ շինեցի ևս կողակից

1) Այս լուսահոգի Սահակը որդիքն են Բագուեցի պարսն Արգարն , Յա . կորն և Յովակիմն , որոց ազնուութեան և բարեպաշտութեան համբաւը փայլում է ամեն տեղ : Մանաւանդ Բագու . և Աբասթուման՝ ուր խոտացել են Հայոց եկեղեցի շինել տալ . Աստուած յաջողէ :